



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XXV.

urn:nbn:de:hbz:466:1-11453

Qua etiam tempestate cum annus ageretur post
 natum Christum DCCCCXLVIII. Otto
 rex, Danorū audiuit rebellionem: Nam pater eius Hen-
 ricus cum in eam quoque regionem arma contulisset,
 Iutiam, quæ apud veteres Chersonessus Cimbrica dice-
 batur, Christi religioni adegit, sibiq; parere coëgit, con-
 stituto apud Heidebam, quæ nunc Sleswicum dicitur,
 marchione. Sed cum intelligerent Dani Ottonem mul-
 tis alibi bellis implicitum teneri, præsertim domesticis &
 civilibus malis implicari, sumpta audacia, marchionem
 illum cum omni quod tenebat militum præsidio contru-
 cidabant. Hanc rebellionem ulturus Otto, per hæc tem-
 pora in Daniam arma conuertit: Nam quantis potuit
 comparatis agminibus, per Saxoniam transmissis Albi,
 pertransitq; Holsatia, duxit in Iutiā: Et ubi primum
 hosticam terram attigit, ferro & igne omnia peruasta-
 bat, prædabundus incedens vsq; ad continentis terræ no-
 vissima, ad mare quod modico discrimine Iutiam Nor-
 wagiāq; interfecat: & inde conuersus in latus maris
 Germanici, ad Orientem, missa, ut aiunt Dani, lancea
 in mare, Ottonis fauces, hoc est, Ottenfund, mari nomē
 indidit: Ut ego arbitror, arreptis nauibus quas in portu
 deprehendit, cum parte copiarum insulam proximam
 adiit, quæ hodiè quoque ab illo appellatur Ottonia: Vn-
 de enim nomen traheret, si non illam rex attigisset? Sed
 cum à nullo scriptorum ea res commemoretur, lectori
 liberum sit quid velit suspicari: Multa enim scripta non
 sunt, quæ facta sunt. Reductis inde copijs præda onustis,
 cum vastatam terram imposito præsidio esset relicturus,
 reperit ad Heidebam, hoc est, Sleswicum, Daniæ regem
 magnis vnde quaque collectis copijs, sese ad pugnam ex-
 pectare.

O

pectare.

pectare. Nec moram facit Otto, impedimentis in viam
locū conuectis, expeditis agminibus procedit ad pugnam.
Danos cefisse post acrem pugnam Saxonibus, nostri scri-
bunt. Dani autem mox sine pralio interuenisse pacta
ostendunt: in quam rem vtriusq³ nationis scriptores con-
sentiunt. Formula conuentionis erat, vt Dani suscepti
Christi religione episcopos ordinari paterentur perro-
gationes: Ad quae pacta facile poterant induci, iam regi-
pridem sub matre Christiana Tira, filia regis Anglia ba-
ptizato: Statimq³ regina Gunhilda cū filio Zuenona,
& magna parte procerum, Christi fidem baptizati re-
cepere. Rex Otto Zuenonem de sacro fonte leuatum,
Zuenotto addito suo nomine, iussit appellari. Haraldus
pater fidelis ad mortem permansit Christianus. Filius
autem abiecto Christianismo, patrem ad mortem inle-
quutus, demum & ipse reuersus est ad fidem: quam rem
in Dania plenius sumus exequuti. Otto autē rex, com-
positis apud Danos rebus, in proximos Danis & wandala
arma conuertit. Habitabant & agrij, & winuli, Oboriti,
Polabi, per littora maris Germanici, omnes vno nomina,
vna lingua & wandali: Hos pater eius vno graui pralio
contudit: Sed reuersos in idipsum Otto perdomuit, vt
accipere fidem Christi, & soluere regno tributa cog-
rentur. Baptizatur innumerus populus: ecclesiae per
& wandaliā construuntur: Sed nondum venerat tempus
consistendi: quippe in morte Ottonis III. quod dicemus,
denud iugum Christi cum obedientia regni abiecerunt:
quod etiam in & wandalia explicuimus. Itā in Aquilona
quoque & Christi religionem, Imperijq³ iura feliciter
rex Otto ampliauit, & omnia tranquilla reddidit per
sua tempora. Urbem Virginopolim, quae dicitur Magde-
burgum, ad Albim fluuium, fecit & wandalarum metropolim.

polim. Sed hæc postea. Interim verò Hermannò Sueuorū ducerebus humanis excedente, Ludolphus regis filius, rex & ipse à patre constitutus, cum vxore Hermannī filia, dominatum subijt Sueuorum: Ità potentia regis, dissonante Deo, vbiq; est adaucta.

CAPVT XXVI.

Quo tempore rex Otto tres episcopatus fundauit, vt fidem Christi in Danos atq; ðandalos corroboraret: Slesuici primum: quo in loco pater eius, vt diximus, marchionatum constituit, & Saxonum coloniam. Sed eam rem passus est optimus rex antiquari, sciens robustissimam gentem melius mansuetudine, quàm ferro sub iugo cōtineri. Alterum in Ripa, tum non contemnendo oppido eiusdem prouinciæ Iutarum: qui etiam in hunc vsq; diem in suo loco permansit. Tertium in ðandalis Holsatiæ propinquis, in oppido Aldēburgo, ðandali vocauēre Stargard, Dani Brannesiam, quiq; pro sua linguae proprietate: Permansitq; quod in ðandalia diximus, is honor per tempora trium Ottonum: & in morte III. Ottonis disturbata res, diu fluctuāunt: utcunq; tamen etiam tum restituta. Postremò annis LXXX. vacabat ecclesia & Christi fides exulabat: Tum reuocata, permansit vsq; in diem, qua indè in Lubicam nouam vrbem transferretur: quæ omnia plenius in nostra diximus ðandalia. Fertur à nonnullis & in Magnopoli oppido Obotritorum ðandalorum episcopatum constituisse: Sed hoc alij probabilius alijs temporibus & principibus attribuunt: quæ plenius explicuimus in loco memorato.